



Broj: 02-144-11933 /17
Datum: 07.09.2017

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 70. Zakona o javnim nabavkama („Službeni glasnik BiH”, broj 39/14) i preporuke Komisije za javnu nabavku putničkih motornih vozila, iz Zapisnika o pregledu i ocjeni ponuda, broj 02-14-4-10909, od 05.09.2017. god., policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
o izboru najpovoljnijeg ponuđača

I

Na osnovu odluke, broj 02/PK-1-268, od 21.07.2017. godine, obavještenja o nabavci, broj 16475-1-1-12-3-1/17, od 21.07.2017. godine, pokrenut je postupak „Nabavke službenih motornih vozila za potrebe Uprave policije Ministarstva unutrašnjih poslova Kantona Sarajevo, (Lot 1 – Putnička motorna vozila – model 1 - 80 kom, Lot 2 – Putnička motorna vozila – model 2 - 10 kom), putem otvorenog međunarodnog postupka.

II

Komisija je shodno rezultatima vrednovanja i rang listi prihvatljivih ponuda dala preporuku da se donese Odluka o dodjeli Ugovora za LOT 1 i LOT 2, ponuđaču „PORSCHE BH” doo Sarajevo, kao najpovoljnijem kvalifikovanom ponuđaču.
Vrijednost ponude ponuđača „PORSCHE BH” doo Sarajevo, za LOT 1 iznosi 2.219.200,00 KM bez PDV-a, odnosno 2.596.464,00 KM sa PDV-om.
Vrijednost ponude ponuđaču „PORSCHE BH” doo Sarajevo, za LOT 2 iznosi 343.850,00 KM bez PDV-a, odnosno 402.304,50 KM sa PDV-om.

III

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

IV

Ova Odluka stupa na snagu danom donošenja.



Obrazloženje

Na osnovu odluke, broj 02/PK-1-268, od 21.07.2017. godine, obavještenja o nabavci, broj 16475-1-1-12-3-1/17, od 21.07.2017. godine, pokrenut je postupak „Nabavke službenih motornih vozila za potrebe Uprave policije Ministarstva unutrašnjih poslova Kantona Sarajevo, (Lot 1 – Putnička motorna vozila – model 1 - 80 kom, Lot 2 – Putnička motorna vozila – model 2 - 10 kom), putem otvorenog međunarodnog postupka. Procijenjena vrijednost nabavke iznosi 2.564.000 KM bez PDV-a (Lot 1 – 2.220.000,00 KM bez PDV-a, Lot 2 – 344.000,00 KM bez PDV-a).

Prema Zapisniku sa otvaranja ponuda od 31.08.2017. godine, za aktivno učešće u postupku dostavljene su ponuda od strane ponuđača: „AC QUATTRO“ doo Sarajevo, za LOT 1 i LOT 2, „MRM Export Import“ doo Ljubuški, za LOT 1 i LOT 2, „PORSCHE BH“ doo Sarajevo, za LOT 1 i LOT 2 i „TRIAB“ doo Sarajevo, za LOT 2.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-14-4-10909, od 05.09.2017. godine.

Pregledom i detaljnom analizom dostavljenih ponuda Komisija je utvrdila da ponuđač „AC QUATTRO“ doo Sarajevo, u ponudi za LOT 1 i LOT 2, nije dostavio sve dokaze tražene tačkom 12. tenderske dokumentacije, koji su vezani za ispunjavanje uslova iz člana 49. Zakona. Iz navedenih razloga ponuda se odbacuje u skladu sa članom 68. stav (1) Zakona. Ponuđač „MRM Export Import“ doo Ljubuški uz ponudu za LOT 1 i LOT 2, nije dostavio sve dokaze tražene tačkom 12. tenderske dokumentacije, koji su vezani za ispunjavanje uslova iz člana 49. Zakona, te se odbacuje u skladu sa članom 68. stav (1) Zakona. Ponuđač „TRIAB“ doo Sarajevo, u dostavljenoj ponudi za LOT 2, nije dostavio sve dokaze tražene tačkom 12. tenderske dokumentacije, koji su vezani za ispunjavanje uslova iz člana 49. Zakona, te nije ispravno popunio sve priloge tenderske dokumentacije. Prema tome ponuda se odbacuje u skladu sa članom 68. stav (1) Zakona.

Ponuda ponuđača „PORSCHE BH“ doo Sarajevo, za LOT 1 i LOT 2, sadrži sve elemente tražene tenderskom dokumentacijom, odnosno ispunjava sve formalno-pravne, ekonomske i tehničke uslove, te shodno utvrđenom kriterijumu najniža cijena, zadovoljava sve zahtjeve ugovornog organa. Prema tome Komisija je dala preporuku da se ponuda prihvati kao najpovoljnija i dodijeli Ugovor navedenom ponuđaču, kako slijedi:

LOT 1

R. br.	Ponuđač	Ukupna cijena ponude sa PDV-om
1.	„PORSCHE BH“ doo Sarajevo	2.596.464,00 KM

LOT 2

R. br.	Ponuđač	Ukupna cijena ponude sa PDV-om
1.	„PORSCHE BH“ doo Sarajevo	402.304,50 KM

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.

**POLICIJSKI KOMESAR
Generalni inspektor policije**

Mevludin Halilović

DOSTAVITI:

1. Komisiji
2. Ponuđačima x4
3. Odjeljenju za odnose s javnošću,
radi objave na web stranici ugov. organa
4. a/a

